

# QVÆSTIO MEDICA

## QVOD LIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE IOVIS XII. DECEMBRIS.

M. RAYMVNDVS VASLET, Doctore Medico, Præsîde.

*An fluxioni à capite vomitus nonnunquam utilis?*

**C**APVT pars corporis altissima, malè temperatum cùm sibi tum reliquo corpori morbos innumeros parit. Nam quæcunque pars caput attingit vel vicinia, vel vasorum communione, vel servitutis officio, vel situs acclivitate, nunquam non ab illo in hanc mali aliquid depluit. Quibus partibus morum indidit natura quò se servarent, illæ ingruentem calamitatem quâ possunt depellunt: fauces screate, pulmo tussis, ventriculus vomitu. Sed suæ sunt partibus ut iuvandi sic & nocendi vices. Ventriculus multa continet, multa sursum effert noxia; quibus quò citiùs vacuëfactus fuerit, eò meliùs capiti & subiectis partibus futurum est.

**M**ALVM malo rependit caput, cùm humorem coacervatum & accepto inferiùs calore liquatum quoquo versum dimittit: hujus inde fluentis non una via est. Aliàs vasa quæ sanguinem sursum tulere serum reportant indigenâ salsugine mordax, & locis quæ præterlabitur vel occupat dolorificum: auribus, oculis, dentibus omnium maximè. An à capite subter cutem ductus inconspicuos sequitur humor catharri, rheumatismi, arthritidis author? siccinæ fiunt illi affectus congeneres tum materia tum origine? Equidem infra illis origo est, supernè motus accidit, si rheumatismum excipias. Ergo quod à capite tenuius exilit ferè externas partes petit: crassiusculû & *àmbros* subiectæ capiti cavitates excipiunt. Hinc asthma, dum humor in pulmonem illabitur, & ibi *κυσταγγοχελιδον*, idem si ad ventriculum inclinat, frequens infestat ad vomitum impetus, ut in omnibus quibus natura vel morbo cerebrum humidius est.

**V**OMITVS à natura ventriculo attributus, ad res noxias promptiùs expellendas, ille si sponte susceptus & levior nunquam nociturus est. plurimis in cephalæâ, hemiericiâ, & dolore capitis diurno evomuisse profuit. Ventriculo vis inest sui ipsius eluendi, & subverso fundo eliminandæ illius fecis, quam tum ex quotidiano ciborum attritu, tum aliundè, confluentem illuvie congerit, multa capiti mala illaturam: quæ etiam inquinatum, in ceteras partes abiturum alimentum distillationis generandæ causam ubique procreat haud paulò majorem in capite, quod assiduò ferit fordens ventriculus, & omnigenâ humorum copiâ implet; quippe in perpetuo utriusque ultro citroque mittendi commercio, capitis & ventriculi hoc interest, quod illud oppletum solummodo, hic tum vacuus tum crudus ad distillationem excitandam valeat. Certè tot malorum fecundo visceri sus deque depleri non rarò convenit, hæc quidem tutiùs, illà citiùs, & sæpe tutò.

**D**ISTILLATIONIS à capite si adventet præcavendæ, si jam instet curandæ, rationem definit Medicus exipsis illius causis. Omnes neque pari curâ, neque paribus auxiliis indigent. Adversus externas vel internas, caput & stomachum munire scuto, cucupha, medicatis lorione, litu, foru, emplastris, exoletum medicinæ genus. Humoris jam à capite fluentis, vel sustinendi, vel sistendi, princeps venæ sectio; huic longè inferiores frictio, cucurbitulæ, scarificatus, vesicantia. Sectæ longinquis in partibus venæ aliter quàm revellendo humore profunt. Intricata res est *airtonais*, & in morbis capitis vel thoracis optata magis quàm præstita: Hanc à vomitu frustra speret cui à capite humor devocandus est. Causas distillationis potiùs quàm distillationem tollit vomitus.

**V**BIVIS lateant distillationis causæ, quamprimùm illæ sunt abigendæ: has si ventriculus habeat, & spontè contra exurgens, vomitu foras ejiciat, abundè est. Satis ille sibi, & capiti consulit: sin cunctantem inanis nausea agiter, & identidem atque incessum vomiturientem attollat adjuvabit Medicus: illius bene memor quod in vomentibus apprimè tenendum est: vomitum propriam esse quamdam & privatam expurgandi humoris viam; hanc sequi Medico licere, publicam fieri summo capitis periculo. Ergo apage vehementiora emetica; mitioribus dumtaxat esto locus, quæ ventriculum blandiùs commoveant & commoneant, ut hac intentione suâ pressum omnem depellat humoris tum sibi tum capiti nocituri: Hinc enim sæpe generandæ distillationis, materies, hinc genitæ vis & malignitas. Veteres *συναισθησι* utebantur, nitente ciborum penu credebant omnia in corpore nitefieri, & nitere caput liberum ab omni vel accipiendâ vel referendâ inferarum partium injuriâ.

*Ergo fluxioni à capite vomitus nonnunquam utilis.*

V DOMINI DOCTORES DISPVATVRI.

M. Paulus Mattor.  
M. Carolus le Long.  
M. Ludovicus Morin.

M. Petrus Lombard.  
M. Philippus Mathon.  
M. Raymundus Finot.

M. Nicolaus Cappon.  
M. Nicolaus Richard.  
M. Petrus le Mercier.

Proponebat Lutetiæ IOANNES ROBERT, Parisinus, A. R. S. H. M. DC. LXIX.